

**Dissertatio inauguralis medica de fronte morborum interprete ... / [Joachim Ludwig Willmans].**

**Contributors**

Willmans, Joachim Ludwig.  
Büchner, Andreas Elias, 1701-1769.  
Universität Halle-Wittenberg.

**Publication/Creation**

Halae Magdeburg : Litteris Hendelianis, [1755]

**Persistent URL**

<https://wellcomecollection.org/works/nzzxcdv6>

**License and attribution**

This work has been identified as being free of known restrictions under copyright law, including all related and neighbouring rights and is being made available under the Creative Commons, Public Domain Mark.

You can copy, modify, distribute and perform the work, even for commercial purposes, without asking permission.



Wellcome Collection  
183 Euston Road  
London NW1 2BE UK  
T +44 (0)20 7611 8722  
E [library@wellcomecollection.org](mailto:library@wellcomecollection.org)  
<https://wellcomecollection.org>

DISSERTATIO INAUGVRALIS MEDICA  
DE  
**FRONTE**  
**MORBORVM INTERPRETE**

---

QVAM  
DIVINI NVMINIS AVSPICIIIS

ET  
GRATIOSI MEDICORVM ORDINIS CONSENSV

**P R A E S I D E**

VIRO ILLVSTRI, EXCELLENTISSIMO ET EXPERIENTISSIMO

**D. ANDREA ELIA BÜCHNERO**

SACRI ROMANI IMPERII NOBILI,

POTENTISSIMO PRVSSIAE REGI A CONSILIIIS INTIMIS,

MEDICINAE ET PHILOSOPHIAE NATVRALIS PROFESS. PVBL. ORDINARIO,

IMPERIALIS ACADEM. NATVR. CVRIOSOR. PRAESIDE

ET COMITE PALAT. CAESAREO,

**PRO GRADV DOCTORIS**

SVMMISQVE IN MEDICINA HONORIBVS ET PRIVILEGIIS

LEGITIMO MODO IMPETRANDIS,

AD D. XXV. OCTOBR. A. S. R. cldccclv.

IN ALMA REGIA FRIDERICIANA

PVBLICE DEFENDET

AVCTOR

**IOACHIMVS LVDOVICVS WILLMANS**

HERFORDIA-GVESTPHALVS.



HALAE MAGDEBVRG. LITTERIS HENDELIANIS.





DISSERTATIO IN ACADEMIA

DE  
FIDE

MORBORE IN ACADEMIA

AVTHORE

JOHANNES

DE

IN ACADEMIA

D. ANDREA

DE

IN ACADEMIA

IN ACADEMIA

IN ACADEMIA

IN ACADEMIA

PRO

IN ACADEMIA

IN ACADEMIA

IN ACADEMIA

IN ACADEMIA

IN ACADEMIA

IN ACADEMIA

IN ACADEMIA

IN ACADEMIA

IN ACADEMIA

IN ACADEMIA

IN ACADEMIA

IN ACADEMIA



VIRO  
PRAENOBILISSIMO, EXPERIENTISSIMO  
ATQVE DOCTISSIMO  
DOMINO  
CAROLO LVDOVICO  
STORCH

DOCTORI MEDICINAE ET PRACTICO  
CELEBERRIMO,

PHYSICO VRBIS HERFORDIAE  
SPECTATISSIMO,

VICARIO CAPITVLI AD SS. IOHANNEM  
ET DIONYSIVM VENERABILI,

COGNATO SVO

AD CINERES VSQVE SVMMO HONORIS  
ET OBSERVANTIAE CVLTV PROSEQVENDO  
ET DEVENERANDO,



DISSERTATIONEM HANCCE INAVGVRALEM

IN AETERNAM SVI MEMORIAM

ET

COMMENDATIONEM

CVM FIRMAE PERPETVAEQUE VALETVDINIS VOTO

DEDICARE VOLVIT

IOACHIMVS LVDOVICVS WILLMANS.





DISSERTATIO INAUGVRALIS MEDICA  
DE  
**FRONTE**  
**MORBORVM INTERPRETE.**

---

PROOEMIUM.



Cuius alias, IUVENALE teste \*),  
nulla solet esse fides, fronti  
impraesentiarum eandem fa-  
cturi sumus. Tametsi enim  
hominum plurimi adeo firmae deprehen-  
duntur frontis, ut, quemcunque volunt, ani-  
mum hac in parte gestare, moxque molli  
fronte impudentiam aut severitatem, cape-

A 3

rata

\*) *Satyr. II.*



rata vero atque adducta hilaritatem aut comitatem occultare possint; quod quotidianis & in frontem incurrentibus facile probari potest exemplis: tamen longe rarius mentiri solet illa frons, quam in aegrotis Medici intuentur. Quod si enim, quemadmodum ceterae faciei partes, oculi, aures, os atque nasus, non solum animi, sed corporis etiam, quomodocunque se habentis, indices existimantur idonei\*\*), sic eodem iure & *fronti*, haud ignobili vultus parti, habeatur fides: dubitari profecto non potest, quin eadem hac parte Medicus in compluribus corporis humani adfectionibus cognoscendis declarandisque, tanquam interprete, sit usus. Atqui haec etiam a priori, quod Philosophi dicunt, sive per ratiocinia confeceris haud difficulter. Ea enim,

\*\*) Lubenter haec credideris, si hoc ipso loco habitas evolveris Dissertationes, *de oculo, ut signo; de indiciis aurium in morbis; de morborum signis, quae a naribus desumuntur; & de ore, ut signo*: singulas collatas cum Celeberrimi Georgii Ernesti STAHLII Dissert. *de Facie, morborum indice*, Halae, 1705. & Excellent. Samuel. Theodori QVELMALZII *Prosoposcopia medica*, Lipsiae 1748. in lucem emissa.



enim, ut Anatomici Physiologique docent, omnium singularumque corporis nostri partium est conspiratio, is consensus, ut, quae unam alteramque ipsarum adficiunt, afflictiones, in eundem doloris adfectum plerasque etiam, quae supersunt, coniiciant partes. Quotumquemque ergo aegrotantium putabimus futurum, qui adeo durae firmaeque sit frontis, ut internos cruciatus angoresque hac in parte vultus dissimulet, nisi ipse a Stoicorum fuerit familia, qui oris & vultus serenitatem negant unquam ulla posse aegritudine obnubilari \*\*\*)? Quae quum ita sint, ut variam internam reconditamque corporis constitutionem externa atque conspicua frontis commutatio patefaciat: operae fore pretium existimavi, si eandem accuratiori persequerer animadversione, & in commentariolum coniicerem, inter solennia academicarum Dissertationum specimina locum adepturum. Explicata ergo fronte, lectores, & exporrecto serenoque vultu intuemini hanc, quam vobis obverto, *frontem*, variam

\*\*\*) Aul. GELLII Noct. Attic. Libr. XVIII. Cap. XII.



riam morborum indolem variumque statum interpretaturam. Quae si minus vobis arriserit, non ego ita perfrictae sum frontis, ut qualibuscunque his meis paginis vestros plausus, vestramque anxie eblandiar adfensionem. In litteraria enim re publica prorsus libera esse suffragia scimus, & hanc veniam petimusque, damusque vicissim. Satis nobis erit, ut in omnibus conatibus nostris, ita & in quantulocunque hoc labore propitium atque auxiliare habuisse numen.

## §. I.



*Frontem* morborum interpretem impraesentiarum producturi, facere non possumus, quin, quod nulla sine convenientibus idoneisque signis esse potest cuiuspiam rei interpretatio, statim in Dissertationis huius limine explicare demonstramus, deprehendi omnino in *fronte* eiusmodi signa, quae, sive ex externis huiusce partis mutationibus conspicuis atque manifestis, sive ex internis reconditisque, & ipsius aegroti sensu cognitis, a Medico fuerint intellecta, non praesentis solum, sed futuri quoque praeteritique morbi variam rationem atque indolem declarare possunt. Ea scilicet singularum  
corpo-



corporis nostri partium est conditio, is status, ut, vi dogmatum physiologicorum, ad peculiare quasdam destinatae sint atque fabricatae actiones; quae, quocunque demum successerint modo, si sensuum cognitioni patent, phaenomena fiunt, qualicunque cum totius corporis, tum quarundam partium singulatim, statui inservientia significando, quemadmodum amplius Semiologorum docent praecepta. Atqui vero huius generis adparitiones, quas Philosophi dicunt, hoc est, mutationes sensuum ope perceptae, & quamcunque corporis humani conditionem declarantes, *signa medica* appellantur. Quam ob rem quum & *frons* suas, singulariter ipsi delatas, habeat actiones, omnisque actio sine eiusdem partis, a qua efficitur, mutatione fieri nequeat; hae vero ipsae mutationes, testante experientia, saepenumero tam aliorum, attenti inprimis harumque rerum curiosi Medici, quam ipsius aegroti sensibus cognoscantur manifestenturque: aperte profecto sequi exinde arbitramur, ut & ipsa frons aliquid medicorum offerat signorum.

## §. II.

Verum enim vero licet singularum, ut diximus (§. I.), corporis nostri partium certae sint atque definitae actiones: tantum tamen abest, ut vel ulla earundem partium a ceteris plane sit separata atque seiuncta, ut potius omnes singulaeque perpetuo consensu atque coniunctione inter se sint unitae. Quae mirabilis consensio, non ad vicinas solum &



contiguas, sed remotiores quoque partes pertingens, per Physiologorum demonstrata, nullis aliis obtinetur conservaturque rationibus, nisi per ipsam peculiarem corporis nostri omniumque partium structuram, omnes quippe, quotquot exstant, has partes arctis continuisque vasorum nervorumque vinculis connectentem colligantemque. Quum igitur frons etiam quaedam corporis pars sit, adeoque ipsi mutua cum reliquis partibus intercedat coniunctio, multarum maximarumque mutationum, hic loci interdum observabilium, mater: nostri plurimum interest instituti, ut deinde infra eo ampliore purioreque hauriendorum signorum, ad frontis indicia pertinentium, habeamus fontem, pauca quaedam de huiusce partis structura & cum ceteris partibus nexu ad Anatomicorum demonstrata persequi, & praecipue accuratae vasorum nervorumque vacare descriptioni; anteaquam varias in hac parte obvias mutationes sigillatim expediamus, iisdemque, ut signis, ad praevidendos diiudicandosque morbos utamur.

### §. III.

Primam omnino sibi impendi operam postulat illud stabile atque firmum totius, quae in fronte spectatur, formae fundamentum, os nimirum, quod Anatomici appellant, *frontale*. Quum vero, iisdem docentibus, sola prior atque anterior huiusce ossis portio illam ipsam faciei partem, de qua in praesenti disputamus, potissimum formet, reliquis portionibus



bus ad effingendam praecipue calvariam accedentibus: tantum abest, ut universi huius ossis structuram expedire nostri intersit instituti, ut potius, quae in antrorsum prominentis eiusdem partis fabrica notanda sunt, sola nostro egeant stilo. Scilicet haec anterior portio, si spectetur extrinsecus, generatim convexa est atque arcuata: utrimque autem in singulares desinit arcus superciliares, satis firmos, qui partim extrorsum deorsumque producti crasso & subacuto sine iugalia suscipiunt ossa, partim introrsum, prope nasum, teneriores obtusioresque evadunt, ossiumque maxillarium superiorum processibus iunguntur, hacque ratione superne & in lateribus ex parte oculorum lacunaria circumscribunt. Hinc ab horum arcuum margine retrorsum binae progrediuntur laminae pertenues atque incurvae, fissura oblonga lataque divisae, & prope ipsam de novo in duas singulares distinctae lamellas, maximam partem ipsorum lacunarium oculariorum constituentes. Dictis praeterea ambobus arcubus interiacet quaedam ossis huius frontalis portio, *glabellam* vulgo dicunt, parum eminens atque deorsum vergens, tenuis & inferne coarctata, quae narium ossicula septumque attingit.

## §. IV.

Internae autem huius anterioris, quam descripsimus, partis (§. III.) superficiei utrobique impressae sunt duae amplae, posterioribus tamen retroque sitis minores, scrobes, quas in media frontis regione



ne partim imo loco magna illa, iamque ante memorata (§. cit.), fissura, os cribriforme complectens, partim coecum, quod Anatomici vocarunt, foramen, partim denique eminentia quaedam dividit, acuto praedita margine, & versus sagittalem futuram exporrecta. Media vero huius ossis parte, cui *glabellae* nomen est (§. cit.), ambae, quae ipsam osseam formant compagem, laminae utrinque diducuntur, atque hic & recta sursum, & in utrumque latus usque ad eminentem arcum superciliarium partem sinus efficiunt frontales, inaequalis inconsistentisque figurae atque amplitudinis, amplissimos tamen prope nares, ibique in anteriorem quandam ossis papyracei cavernulam hiantes *a*). Atque hos sinus undique investit intrinsecus membrana quaedam mollis, vasculosa atque pulpofa, ab inventore nomen trahens, vulgoque *pituitaria* SCHNEIDERI appellata, his in sinibus tenuior, quam in septo, ipsaque nasi caverna. Quam quia tenuissimi vasorum nervorumque perreptant ramuli, potiorum internorum signorum, quae tacito sensu in fronte ipsi

- a*) Opportunum tamen erit lectoribus, ut de frontis signis medicis disputanda adhuc enodatus intelligant, ex optimis rei anatomicae scriptoribus repetere simul, quae ad subtiliorem huius partis fabricae faciunt cognitionem. Quo nomine de ipsa ossea structura ante omnes conferri meretur *Bernhard. Siegfried* ALBINVS *de ossibus corporis humani*, Lugd. Bat. 1726. in 8v. & Celeberrimus noster *Philippus Adolphus* BOEHMERVS in *Institutionibus osteologicis*, Halae 1751. in 8. ut *Palsinianos*, *Nesbittianos*, *Tarinianos*, *Müllerianos*, aliorumque labores omittamus.



ipsi aegroto varias indicant manifestantque adfectiones, primarii fontes: de his protinus disputabimus plura. Externam denique superficiem frontis, quae faciei pars est, praeter communia, ut vocari solent, integumenta, duo ambiunt teguntque muscoli, admodum tenues, ex inferiori ossis frontalis margine, ad nasi radicem, orti, atque inde utrinque paullulum oblique adscendentes, a sede *frontales*, ab officio vero, cui praesunt, *corrugatores* vocati *b*).

## §. V.

Quas vero modo exposuimus (§. III. IV.), partes nunc quoque ad eas rationes, quibus per vasa nervosque reliquis connectuntur partibus, expediendae sunt atque enodandae. Ordiamur ergo a vasculis. *Arteriolarum*, quae huc deferuntur, magna vis est, potissimum ex arteria carotide, velut e communi stirpe, emissa. Hic enim videas evidetiores huius canalisi arteriosi ramos, maxillarem internam, ophthalmicam, palatinam, nasalesque singulas arteriolas numerosis furculis in haec cava loca penetrantes. Omnium vero maxime infraorbitalis furculus adit sinus (§. IV.), ibique in membranam distribuitur Schneiderianam. At exterior illa

B 3

muscu-

- b*) Disceptari adhuc varia inter Anatomicos de his musculis, bene novimus: sed brevitatis gratia remittendi sunt a nobis lectores ad huius generis scriptores; e quibus qui huc vel maxime faciunt, instar omnium esse potest Celebrerrimus *August. Frid. WALTHER*, in *Teneriorum muscutorum Anatome*, Lipsiae, 1731. in lucem emissâ.



musculosa frontis pars (§. cit.) partim ab externa maxillari, partim a temporali, utraque carotidis externae progenie, arteriolas accipit. Quippe haec, iugale supergressa os, & dehinc in tres divisa ramos, cum nonnullos medii furculos, tum anteriorem totum, frontalem ideo dictum, musculo cognomini inserit; quo cum coniungitur ibidem angularis arteriola, quae nimirum isti externae maxillari debetur. Utrobique autem, tam intrinsecus, quam extrinsecus, fociae huius itineris sunt *venae*, quarum hae quidem externae itidem partim in venam maxillarem externam, iugulari anteriori continuam, partim in temporalem, posterioris iugularis ramum, delabuntur; istis vero internis, quae arteriis paullo deprehenduntur obscuriores, velut commune datum est receptaculum, plexus nempe in musculo pterygoideo externo praesens, in quem coeunt, & cum ipsis durae meningis sinibus sanguinem suum venosum communicant, tandemque coniunctim in externum iugularis internae ramum colliguntur c).

## §. VI.

At insignis quoque *nervorum* est numerus, qui efficiendae huius partis cum reliquis, praesertim contiguis atque vicinis, coniunctioni singulariter praesunt (§. II. V.). Quos varie atque infinite divi-  
fos

c) His non infructuose conferentur Illustris *Alberti de HAL-  
LER Not. ad Praelect. Boerhaav.* Tom. IV. §. CCCCXCIV.  
not. c), & Clarissimi quondam *Iusti Godofr. GÜNZII Com-  
mentatio de arteria maxillari interna.*



fos ipsi interni ossis frontalis sinus, istisque inhaerens membrana pituitaria suscipiunt, in praesenti non persequimur, quod eosdem nuperrime ab Illustri PRAESIDE, quoad nostra quoque interest, accurate novimus descriptos *d)*: id saltem monituri, omnes hos nervos aut a primo, quod olfactorium vulgo dicunt, pare, aut a quinto isto investigatu longe difficillimo esse propagatos. At externam, quae conspicua est, frontem etiam plurimi ineunt nervi, cum a quinto, quod iam memoravimus, cerebri pare, tum a septimo, quod acusticum est, tum a cervicali primo deducti. Scilicet superior quinti paris ramus, orbitarius, itemque ophthalmicus dictus, partim superne furculum edit superciliarem, dehinc frontalem vocatum, qui, penetratis plurimis ad oculum pertinentibus partibus, tandem maxima sui portione in vicinum frontalem distribuitur musculum, partim ab exteriori ramo, cui lacrymali nomen est, ad eandem partem nonnulla edit filamenta. Acustici vero nervi durus, quem Anatomici vocant, ramus, per parotidem, ad latus processus stiliformis, transgressus, superioribus suis furculis frontem adit & cutaneus, & muscularis, ibidemque cum diversis dicti quinti nervi ramulis anastomoses agit numerosas. Primum denique par cervicale posteriorem insignem ramum per aliquot colli, humeri, capitisque musculos sursum mittit, cuius demum aliquis subse-

*d)* In *Dissert. de morborum signis, quae a naribus desumuntur*, hic loci anno 1754. publice ventilata §. V.



subsecivus ramulus in supra descriptum musculum definit frontalem *e*).

### §. VII.

Atqui nunc intelligere vos arbitror, lectores, nemini oportere esse mirum, si interdum vel gravissimorum quorundam adfectuum *frons* deprehensa fuerit index atque interpret. Quodsi enim ante commemoratos spectemus nervos (§. VI.), firmissimis coniunctionis consensusque vinculis frontem cum singulis reliquis partibus animadvertemus copulatam. Omnis enim iste, qui in frontem implicatur, nervosorum ramulorum apparatus cum primariis reliquis universi corporis humani nervis coniunctus est. Quod ne temere me adfirmasse existimes, solum nominasse sufficiat intercostalem nervum *f*), intercostalem inquam, ob amplissimam cognationem saepenumero *magni* cognomine insignitum *g*), & vel ipso infinitorum gravissimorumque dolorum, aliarumque vehementissimarum adfectionum ortu infamem. Taceo ad haec omnium arteriolarum frontaliu originem, carotidem (§. V.), e maximo amplissimoque omnium vasculorum arterioso-

*e*) Multum afferetur lucis hic disputatis, si evolvatur considerateque legatur eximia Clariss. Ioann. Frider. MEKELII *Dissert. de nervo quinti paris*, Goetting. 1748. Inde enim intelligi potest, quanta huic nervo cum temporalibus, ophthalmicis, duro, intercostali, aliisque intersit coniunctio.

*f*) Conferatur *Scholion antecedens*.

*g*) Videatur e. g. ESCHENBACHS *anatomische Beschreibung des menschlichen Koerpers*, §. 1390.



rioforum canale, cui *aortae* nomen est, proxime esse oriundam. Taceo quoque, venas per frontem dissipatas (§. cit.) singulas velut in commune quoddam capaxque relabi revertique diverticulum, iugularem nimirum venam, amplam illam atque principem subclaviae venae, in ipsum maximum omnis venosi sanguinis receptaculum descendens, propaginem.

### §. VIII.

Animadvertendarum ergo qualiumcunque mutationum in fronte accidentium, & capiendorum exinde signorum (§. I. II.) curiosum Medicum partim ad ea, quae in *externa fronte* apparent atque in conspectu proponuntur, considerate attendere, partim ea, quae *intrinsecus* contingunt, & ipsius aegroti sensu percipiuntur, accurate exquirere atque indagare oportet. De quibus ut eo exactius ad lectores disputare possimus nostros, qualescunque has frontis commutationes, a naturali indole atque ordine recedentes, ad certa quaedam atque singularia reducemus capita, atque ab his deinde figillatim idoneas capiemus indicationes. Quae sit naturalis frontis species, quis color, quaeque actio, nemo non novit. Haec ergo omnia, si secus fuerint, ad huius generis mutationes, signis Medico edendis opportunas, iure meritoque erunt referenda. Quorum singulorum quadruplex omnino constituendum videtur genus: *primum*, quod turbatam perversamque liberam musculorum frontalium superiectaeque cutis actionem, atque hinc impedi-

C

tum



tum voluntarium frontis motum complectatur; *alterum*, quod diversum frontis colorem, a naturali, qui cuique proprius est & peculiaris, seiunctum, & cum eo plerumque convenientem varium caloris, in eadem parte praesentis, gradum complectatur; *tertium*, cui varii generis tumores exulcerationesque, frontem haud raro occupantes, subsint; *quartum* denique, quo qualiscunque insolitus, minusque naturalis sensus, tam extrinsecus, quam in ipsa interiori frontis compage observabilis, contineatur.

### §. IX.

*Primum* ergo horum vitiorum *genus* (§. VIII.), quod in naturali musculorum frontis aut superinductae cutis motu libero quomodocunque impedito aut corrupto versatur, ob illaetabilis ominis gravitatem primo sibi vindicat loco frontem, inprimis ipsius cutem, contractam, rigentem, aridam & velut exsuccam. Quodsi enim & reliquos, qui eiusdem potissimum esse solent comites, intellexeris adfectus, collapsa nempe & extenuata tempora, oculos cavos & velut in lacunaribus suis reconditos, aures frigidas, contractas, & infima loborum parte inverlas, acutum nasum, & colorem denique totius faciei pallidum, aut lividum & nigricantem velutque plumbeum: contueri te oportet ipsam perfectam & exquisitissimis ductam lineis *faciem Hippocraticam*, famosissimum illud & adspectu longe miserabile mortis omen proxime imminens; cuius formam ipse optimus hic senex Medicorumque princeps



ceps *b*) in eximiis suis scriptis primus adumbravit. Quod illaetabile praesagium eo certius de funesto hoc testabitur eventu, si in tristi hac atque miseranda facie frons simul frigido maduerit sudore, omnisque oculorum evanuerit vivacitas: contra ea vero a recuperandae salutis spe prorsus animum abducere vetat eadem frons, si sub tepido irrigata fuerit madore, superstiti simul adhuc vivido vitalique oculorum fulgore *i*). Scilicet haec posterior facies saepe numero vehementissimos gravissimosque animi motus, nimiam longamque inediam, diuturna pervigilia, frequentiores continuasque alvi fluxiones, aliasque huius generis corpus nostrum summe enervantes adfectiones insequi solet: ista vero prior contagio quodam maligno pestilentive, itemque veneno corruptis, nec non extrema tabe adfectis deprehenditur familiaris. Quo nomine utramque hanc faciem, adeoque & frontem, utpote haud ignobilem ipsius partem, non inter prognostica so-

C 2

lum,

*b*) In *Praenotion*. Sect. II. p. 448. Tom. I. Edit. *van der Linden*, quibuscum opportune conferri poterunt *Christiani LANGII facies Hippocratica levi penicillo adumbrata*, Lips. 1651. & *Illustri Praesidis Fundamenta Semiologiae medicae*, Part. I. Cap. VII. §. VII.

*i*) Cave tamen, existimes, vivaces faciei cuiusdam Hippocraticae oculos semper futurae convalescentiae certos esse indices: quandoquidem admodum nuper feminam vidimus, summa confectam macie, atque huius Hippocraticae imaginis genuinum exemplar, nihilo tamen minus ad extremum vitae halitum vivido oculorum fulgore non destitutam.



lum, quae exposuimus modo, sed anamnestica quoque, ut Semiologi loquuntur, praeteritumque aegrotantis statum declarantia signa iure meritoque referemus.

§. X.

Sed aliud interdum, licet non adeo frequens huiusce vitii, voluntariam frontis motionem sufflamantis (§.IX.), animadvertitur exemplum. Formidabile enim spasmodicorum adfectuum genus nonnunquam etiam in frontem incidit, eandemque variis modis constringit, distendit atque corrugat. Cuius rei ut singulare adiiciatur exemplum, notare lubet hoc loco illam interdum observabilem faciei mutationem formationemque, sub qua, contractis valideque adductis temporum mandibulorumque musculis, frontales simul musculi vehementer distorquentur atque corripuntur, ut in innumeras variasque superductam cutim convolvant complacentque rugas. Quibus adeo ex signis facile intelleges, deprehendi hic grave illud spasmodorum genus, quod in scholis medicis *trismus* appellant. Consulto hic tacemus, ne, dum omnia, & ex his quaedam satis nota, fusius persequeremur, lectoribus fiamus molesti, paene in ceteris omnibus spasticarum, saltem universalium, adfectionum generibus etiam fronti aliquid accidere mutationis; unde colligi potest, quod etiam frontis inspectio, reliquis indiciis non neglectis, ad crudele hoc morborum genus cognoscendum & a ceteris interstinguendum minime sit infructuosa.

§. XI.



## §. XI.

Verum enim vero ipsorum horum, de quibus egimus modo (§. IX. X.), phaenomenorum alia atque diversa in quibusdam morbis esse solet iudicatio, prout ipsam aut singularis quaedam atque privata corporis constitutio, aut peculiares quidam definiunt morbi. Cuius utriusque momenti intuitu semper Medicum in iudiciis singularium morborum ferendis cautum esse oportet atque circumspectum. Ergo hominem, cui natura & difficilem morosumque vultum, frontemque Catonianam & multis inaequalem rugis concessit, noli statim in gravioribus acutisque morbis, hoc qualicunque commotus signo, propinquae morti aestimare destinatum. *In morbis enim, si HIPPOCRATEM k) audire non piget, sic instituenda est faciei consideratio, ut intelligas, sitne ipsa bene valentium & sui similis, nec ne? Haec enim optima iudicanda est.* Singularis autem omnis in quibusdam peculiaribus morbis huiusmodi complicata atque caperata frons esse observatur. In acutis enim malignique moris febribus, praesertim ubi iusto maior sanguinis copia inhaeserit vasis, licet optimus vividusque faciei fuerit color, si torvus insuper deprehenditur adspectus & frons contracta, praecipiente Coo nostro l), imminentem

phre-

k) In Praenotion. Sect. II. p. 448. Edit. cit. itemque Claudius GALENVS in Commentar. I. in HIPPOCRATIS Praesag. f. 20. & de Arte curat. Libr. I. Cap. II.

l) In Coacis Praenotion. Sect. II. p. 540. & Praedictor. Libr. I.



phrenitidem praesagito; nisi quidem, ut nostra nobis aliquoties constitit observatione, sua sponte, aut ad morem Dn. ALLION, artis exercitio hic loci quondam celeberrimi Medici, arte excitato sanguinis e naribus profluvio phrenitica adfectio antea, quam accederet, fuerit soluta. Neque in hypochondriacis hystericisque, quae nunquam non animadverti solet, frons torva atque contracta, & ad haec sudore frigido, pessimo hoc ceteroquin omine (§. IX.), saepe madida, formidabilis signi nomen meretur. Generatim enim plerisque cum adversa valetudine conflictantibus, & praesertim chronica patientibus mala, v. c. praeter dictos hypochondriacos hystericasque, haemorrhoidariis, splenis hepatisque labe adfectis, scorbuticis, melancholicis, aut qualibuscunque frequentibus & diuturnis dolorum cruciatibus vexatis, frons austera minusque explicata esse solet *m*).

## §. XII.

Venio nunc ad alterum vitiosarum mutationum, in fronte conspicuarum, genus (§. VIII.), *coloris* nimirum *calorisque*, quippe admodum, ut experientia testatur, inter se consentientium, a naturali indole statuque aberrationes complectens, capientisque variis morborum indiciis insigniter accommoda-

Seet. VI. p. 475. Edit. cit. cui addatur Io. Conrad. BARCHVSEN in *Collectis Medicinae Practicae generalis*, Cap. IX. §. 2. p. 354. Edit. Amstelod. 1715.

*m*) Conferatur Illustris Ioann. IVNCKERI *Conspectus Pathologiae & Semiologiae*, pag. 599.



modatum. Cuius utriusque adfectionis duae generatim statui possunt modi, cum, *coloris* intuitu, pallor cum adfinibus coloribus, livore atque lurore, & rubor; tum, *caloris* ratione habita, aestus & frigus: quare & nobis per partes eundum est, signa medica ad coloris calorisque gradus e fronte definituris. Atqui hoc loco praetermittere nobis liceat illas abunde satis iam notas subitaneas in fronte coloris calorisque vicissitudines, in quas impetuosae atque turbulentae cuiuscunque generis animi perturbationes absolutum habent imperium, ideo tamen nequaquam negligendas aut a Medico incuriose praetervidendas, quod ipsarum non solum in efficiendis, aut pervertendis mutandisque plurimis morbis latissima est potestas, sed hoc quoque nomine earundem in cognoscendo cuiuslibet corporis nostri adfectus statu, causa, atque eventu maximus plerumque & eximius animadvertitur usus. Nostri autem in praesenti commentatione potius interest instituti, ad ea, quae constans aut per insigne quoddam temporis intervallum perdurans coloris calorisque in fronte permutatio docet, attendisse signa.

### §. XIII.

Primo ergo, quae *pallenti* (§. XII.) in morbis statuenda sit aestimatio, paucis definiemus. Quem frontis colorem si, ad expediendam inprimis morborum, caussarumque illos efficientium, diagnosin, singulariter spectemus, generatim exinde discimus, in superioribus his atque externis capitis locis deprehen-



prehendi tunc aut spasmodicam quandam, ut Medicis dicta est, contractionem constrictionemque, atque hinc productam lentiores impeditioresque sanguinis per minima sua vascula progressionem, vel ipsam iam exorsam in iisdem canaliculis globulorum sanguineorum immobilitatem, vulgo in scholis medicis *stagnationem* appellatam, aut insignem vasculorum, a deficiente iusta necessariaque vitalis sanguinei liquoris copia ortam, inanitatem. Quo pallido colore infecta frons quoniam plerumque & frigida deprehenditur, easdem malas corporis nostri exinde quoque colligere licet adfectiones. Quid vero speciatim huiusmodi vitiosa coloris calorisque indoles, fronti accidens, in morbis singulatim manifestet, disputabimus nunc porro.

§. XIV.

Scilicet in amplissimo illo febrium genere haud levia tam diagnoseos quam praesagii iudicia e pallente frigidaque fronte (§. XIII.) possumus venari. In intermittentium enim classe cum universo reliquo corpore frons quoque insigniter pallet atque riget, dum febris futura est accessio, aut iam ipse febrilis adest horror. Contra ea vero acutae febres, cum ab exanthematico contagio, tum ab internis sanguineis serosisve subortae incendiis, minus laetabilem, saltem dubium habiturae existimantur eventum, si una cum ceteris partibus a frigore & subfrigida contractione velut extenuata fuerit frons, atque a pallore, aut, qui peioris status est index, livore decolor sit facta. Quippe qui detestabilis



bilis frontis color Hippocraticae quoque, quam supra (§. IX.) levi adumbravimus penicillo, inducitur faciei, atque ad haec, si magis adhuc nigruerit, ex singulari Chinenſium, accuratiſſimorum ceteroqui Semiologorum obſervatione *n*), intra biduum ſuo aegrotum defuncturum fato certiſſime praedicat.

## §. XV.

Conferentes autem frontis pallorem omnibus ſingulisque ſanguinis profluviis, variam hic & omnino inter ſe diverſam deprehendimus iudicationem. Huius enim intuitu pallida frons mox inter anamneſtica, mox inter diagnoliſtica militat ſigna. Illius enim indicii reſpectu facile ab huiusmodi depravato frontis colore proxime praegreſſas nimias quomodocunque factas ſanguinis auguraberis effuſiones; memor cauſſarum illarum, ad quas retulimus antea frontis pallorem (§. XIII.). Horum autem, diagnoliſticorum nimirum ſignorum, loco erit hic color, ſi exinde, ut per modo memoratas cauſſas licet decetque, minus expeditos ordinatosque naturalium haemorrhagiarum iudicaveris ſucceſſus. Omittam in praefenti pleroſque reliquos chronicos adfectus, potiſſimum cum ſpasmorum generi ſubiacentes, tum a qualicunque viſcerum labe, vitiataque inde humorum indole corruptaque mixtione oriundos, utpote raro vividum in fronte praemon-

D

ſtran-

*n*) Conferatur hac de re *Andreae CLEYERI Specimen medicinae Sinicae*, Part. II. §. 52. ſeq. Edit. Francof. 1684. in 4.



frantes colorem; si unum hoc adiecero, quod ceteroqui ne tirunculo quidem rerum medicarum ignotum esse oportet, in regio illo morbo, quem icterum Medici appellant, & frontem ab aurigine infici & haud raro infuscari.

### §. XVI.

At vero, quem nunc suscipimus expediendum, frontis *rubor*, adfinisque, si utriusque causas spectes, *auctior* & tantum non *ardens calor* generatim his, haecenus de pallente fronte disputatis (§. XIII–XV.), e transverso contraria manifestat. Quotiescunque enim intensi in fronte &, cuius ipsa pars est, reliqua facie in morbis animadversi fuerint rubores caloresque, toties fieri non potest, quin universe uterque hic status aut magnae sanguinis in totius corporis tubulis abundantiae plenitudinisque, aut saltem copiosioris excitatorisque ad superiora corporis loca eiusdem vitalis liquoris adfluxionis haud temerariam atque coecam praebeat suspensionem. Unde etiam intelligi volumus atque per certa ratiocinia deduci, quae signorum, ex rubente atque velut aestuante fronte protinus definiendorum, iustae veraeque sint rationes.

### §. XVII.

Nimirum hic (§. XVI.) is est color, qui, si vel solum ipsius in declarando vario febrium, praesertim acutarum, more atque indole, praesagiendaque multiplicis saepe solutionis criticae accessione spectave-



Et averis usum, animadversionem omnino meretur. Quoscunque enim restagnans alicubi in capite sanguis generare potest morbos, v. c. phrenitidem, capitis dolorem, vertiginem, gravedinem, otalgiam, ophthalmiam, aliosque sanguineos oculorum adfectus, odontalgiam, faciei erysipelas, immo ipsam apoplexiam, &c. five συμπτωματικῶς ad febres accesserint, five orti fuerint ιδιοπαθικῶς, frons huiusmodi rubro colore tincta, aestuque interno incensa, praesagit; nisi quidem adhuc tempestive satis κριτικῶς e naribus eruperit sanguis, aut, ut observando cognitum est o), diarrhoea supervenerit critica, aut abscessus suborti fuerint post aures, aliaeve huius generis translationes. Nisi ergo haec in acutis febribus acciderint, insuperque rubicunda frons cum spirandi difficultate, praecordiorum anxietate, continuis pervigiliis, deliriis, ipsisque tandem motibus, quos Medici dicunt, convulsivis fuerit coniuncta, internarum partium incendia, phrenitidem, mortem audacter praesagito. In omnibus autem, qui supersunt, morbis, nisi quidem narium haemorrhagiam praesignificaverit imminentem, saltem gravissimum capitis dolorem huiusmodi rubor praedicit. Praesente vero chronico isto rubicundo frontis colore, qui simul livore passim distinctus esse solet, & potissi-

D 2

mum

o) Videtis HIPPOCRATEM in *Coac. Praenot.* Sect. II. pag. 541. Edit. cit. & Celeberr. Christian. VATER in *Dissert. de praesagiis vitae & mortis in aegrotantibus*, Cap. IV. Thes. I. Witteberg. 1708.



num per intervalla accedit receditque, vitia viscerum in pectore abdomineque sitorum, ante omnia hepatis, exinde haud anceps augurari potest aestimatio.

### §. XVIII.

Enimvero progrediendum nunc est ad tertium vitiorum, frontem corrumpentium, genus (§. VIII.), varios nimirum huiusce partis tumores, efflorescentias, & pustulosas ulcerosasque foeditates comprehendens; utpote quorum singulorum malorum accurata consideratio attento Semiology in acquirenda signorum notitia plurimum adiuventi adfert. Cuiuscunque enim sint generis ordinisque hi tumores, maculae, pustulae atque ulcuscula, semper generatim aut sanguinem ipsum sua mole laborantem, tardeque progredientem, adeoque ad stagnationes proclivem indicabunt, aut eundem inaequali motu ad certas quasdas corporis partes delatum ostendent, aut impurum cacochymicumque declarabunt, aut denique ipsos sanguiferos reliquosque minores canales quomodocunque compressos coarctatosque, immo quoque divulsos manifestabunt. Ex quo clarissime apparere arbitramur, ipsas huiusmodi insignes frontis mutationes, a tam gravibus, tamque amplis causis exortas, ad diiudicandam variam morborum sanitatisque conditionem nonnulla idonea signa certissime esse oblaturas.

### §. XIX.



## §. XIX.

Quae ut seorsim disputemus nostri, quem semel observavimus, ordinis interest, ea primum frontis hoc modo adfectae exponere signa, quae ad febres spectant. Intermittentium genus interdum in fronte, frequentius tamen ad nares & in labiorum commissuris, pustulosas emittit exulcerationes, dum a decretoria, quae Medicis audit, attentatur solutione. Simili fere ratione in acutis febribus, praesertim catarrhalibus, interdum exiles quaedam bullulae, velut serpiginosae, vehementerque prurientes, maiorem ad ea loca humorum copiam deponi indicant, atque aut criticum sanguinis serosive muci profluvium protinus futurum praesagiunt, aut, si hae non successerint fluxiones, parcioreve fuerint, iudicante quidem FIENO *p*), haud incommodo semiologicae scientiae scriptore, formidabile & tantum non funestum delirium omnantur. Quod vero in variolis totius faciei, praesertim frontis, intumescencia imminentem vel iam incipientem designet suppurationem, iam notissimae esse existimamus observationis. Ad chronicorum autem morborum diiudicationem, ex his frontis signis instituendam, quod attinet, notasse sufficiat, frontem huius generis efflorescentiis ulcusculisque obsessam habentibus viscera potissimum abdominalia male esse adfecta. Singulatim autem

D 3

ex

*p*) In *Semiotice, seu de signis medicis tractatu*, pag. 103. Lugduni, 1664.



ex ulceribus malignis & velut serpentibus, mox foedo ichore perfusis, mox sicca crustula obtectis, scorbutus, e furunculis vero pustulisque cancroideis amatoria lues saepenumero quoque diagnosci potest. Quorum malorum ultimum haud raro sui indices, pessimos tophos, ipsa ossa frontalia intus exedentes, in fronte deponit.

### §. XX.

Agmen harum afflictionum, quae in fronte Semiologiae medicae inserviunt, claudant *dolores* varii gradus diversique sensus, interiores inprimis frontis cryptas passim pervagantes, & ab ipso potissimum aegro cognoscendi. Prurientem enim a serosis bullulis frontem qualem aestimare liceat, iam ante (§. XIX.) expositum est: cui & hoc addas, plerumque in nimia frontis contractione, cuius supra quoque (§. X. XI.) instituta est diiudicatio, cum satis gravem, tum obscuriorem rheumaticum deprehendi dolorem. Quodsi vero in anteriori frontis parte, praecipue qua ipsa naso committitur, in febribus acutis cum exanthematicis atque inflammatoriis, tum in catarrhalibus benignis malignisque gravem & velut mole quadam prementem, mox obscurum, mox vero admodum vivacem atque pungentem senseris dolorem, in istis quidem febribus plerumque accessuram ~~negi-~~ <sup>negi-</sup> ~~ti-~~ <sup>ti-</sup> ~~nas~~ <sup>nas</sup> narium haemorrhagiam, aut, si haec exitu fuerit interclusa, graviora mala, phrenitidem, ipsamque apoplexiam sanguineam, in his vero serosam pitui-



pituitosamque e naribus praedicto excretionem, aut, si & haec male successerit, futuros in vicinis glandulis tumores atque abscessus, vel ophthalmiam, otalgiam, odontalgiam, gravedinem, quid? quod in senibus praesertim, apoplexiam, singulas ferosas. Denique & gravissima illa dolorisque plenissima frontis afflictio attingenda est, quae continuo fere, praecipue tamen circa vesperam, interiora frontis vellicat atque pungit, aegrotosque misere excruciat, & hoc ipso modo acerrimi & paene pestilentis contagii venerei praesentiam declarat (§. XIX.), intimam ossium frontaliū nasaliūque compagem tacite arrodentem exedentemque. Cuius detestabilis veneni tanta saepenumero animadvertitur ferocitas, edacitasque tam enormis, ut, vel optimis, si paullo serius opposita fuerint, remediis spretis, latius serpat, & ipsam externam frontem acri morfu perrumpat, tandemque aut ipsi huiusmodi miserabili vitae extremam vim inferat, mortemque acceleret, aut, si aegre demum medicinae cesserit, quam plurimis cicatricibus, perpetuis sui furoris suaeque vehementiae testibus, laevam antea elegantemque frontem maxime deformem reddat atque deturpatam *q*). Quibus  
ex

*q*) Vidimus ipsi hic nuperrime iuniorem quamdam & ceteroqui facile probandae formae feminam, quae, venereo contagio ab ipso marito suscepto, post vehementissimos anterioris capitis cruciatus, diuque simulatam, quam



ex singulis signis, haecenus a varia frontis mutatione deductis, facileque, si supra (§. III–VI.) exposita frontis structura accurate conferatur, ad causas suas revocandis, luculenter constare arbitramur, haud incommode *frontem morborum interpretem* posse declarari.

quam vere esse arbitrabatur, gravedinem, tandem tribus locis turpiter exesam accepit frontem, & etiam nunc, praesenti tempestivaque adhibita sanatione, plurimas in eadem parte gerit cicatrices.

TANTVM.

